

珠崖南海蒼梧鬱林合浦交阯九真日南九郡伏波將軍益封樓船將軍以推鋒陷堅為將梁侯自尉佗王凡五世九十三歲而亡

閩粵王無諸及粵東海王搖其先皆粵王句踐之後也

姓騶氏秦并天下廢為君長以其地為閩中郡師古曰即今之

泉州建安是也及諸侯畔秦無諸搖率粵歸番陽令吳芮所謂

番君者也師古曰吳芮號也番音蒲河反從諸侯滅秦當是時項王主

命不王也孟康曰主號命諸侯不王無諸搖等也以故不佐楚漢擊項籍

無諸搖帥粵人佐漢漢五年復立無諸為閩粵王王閩

中故地都冶師古曰地名即侯官縣是也冶音弋者反孝惠三年舉高帝時